

Binuhatan 5:17-42

BALIK SA PRISOHAN... (3 BUTANG)

- 1ST – SA LIWAT ANG MGA APOSTOLES GIN DAKOP... vs. 17-28
 - 1ST – Kadamo sang naluwas kag nga mga tawo ginpang-ayo... vs. 17
 - Ang simbahan nagdako-kag kanami sang mga nagakalatabo...
 - Paagi sa gahom sang Balaan nga Espiritu-ang simbahan nagatubo...
 - Ang ining matutom nga mga sumulunod ni Jesus-ginhisaan sang mga leader!
 - Grabe ang kaakig sang mga Sanhedrin...
 - Para sa ila sila ang insakto nga relihiyon-ang insakto nga dalan sa Ginoo...
 - Determinado sila sa pagpauntat bisan ano pa ila himuon sa mga Apostoles...
 - **Roma 10:1-4** – “Israelinhon... Makapamatuod ako nga mapisan sila sa pag-alagad sa Dios, pero indi suno sa kamatuoran. *Wala sila makaintiendi nga ang Kasuguan hasta lang kay Cristo, kay paagi sa ginhimo ni Cristo, ang tagsa-tagsa nga nagatuo sa iya amo lang ang ginapakamatarong.*”
 - Ang mga relihiyoso-gintuduluan sang indi insakto nga pagsulundan/disparatis...
 - Ginapabugal nila ang relihiyon ang makadala sa ila sa langit...
 - Kun hilabtan mog ani ang ini nga pagtuluuhan – away ang imo atubangon!
 - Ang relihiyon indi perpekto nga pagtinguha sa paglab-ot sang perpekto nga Dios...
 - Relihiyon nagahatag sang madamo nga mga pagsulundan sa pagtinguha sa pagkabalaan...
 - Pero ang mga sugo naga kontrol sang mga buhat indi maka bag-o sang tagipusoon...
 - Ang relihiyon indi kompleto kay ang Ginoo nagapangita sang perpekto nga tagipusoon!
 - 2ND – Mga Saduceo – ginpa priso ang mga apostoles... vs. 18-24
 - Sang sina nga gab-i ang anghel nag-abot kag ginbuy-an ang mga Apostoles...
 - Ang Anghel nagsugo sang mga Apostoles nga magbalik sa Templo sa pagwali sang ‘Pulong sang Kabuhi’...
 - Sang aga pa ang mga Apostoles naglakat sa Templo kag nagsugod panudlo!
 - Ginagapos kita sa sala-pero ang Dios ang magahilway sa aton – **Juan 8:36**...
 - Kun ihilway kita sa sala ginahatagan man kita sang mando...
 - Ginatawag kita sa paglakat kag maghatag sang Pulong sang kabuhi...
 - Ginhatagan kita sang Dios sang yabe sang kalinong/kalipay/kabuhi nga wala katapusan sap ag-abri sang mga pwertahan...
 - Sang pagkadason nga adlaw ang mga Sanhedrin nag pagkigkita sang mga Apostoles...
 - Ginpadala nila ang gwardiya sa pagkuha sa ila sa prisohan pero wala na sila...
 - Ang mga pwertahan may kandado/ang mga gwardiya ara lang nagabantay pero wala na ang mga Apostoles...
 - Sang nabal-an sang mga Saduceo-indi sila makapati!
 - Kay ang mga Saduceo indi magpati sa mga anghel – **Binuhatan 23:8**...
 - Kun ang isa indi magpati sa Dios-indi buot silingon nga ina tuod...

- o Damo ang wala nagapati subong sa Dios-ukon kabauhi pagkatapos mapatay...
- o Indi buot silingon nga indi sila magtindog sa paghukom sa atubang sang Dios...
- o Indi importante ang aton natuohan-ang hambal sang Dios amo ang matuod!
- o 3rd - Ang pag-akusar sang mga Sanhedrin... vs. 25-28
 - May nanugid sa nga ang mga Apostoles nagpanudlo sa Templo...
 - Ginpadala nila ang mga gwardiya sa ika 2 nga beses sa pagdakop sa ila...
 - Pero ang mga gwardiya nag-andam nga indi sila masakit kay damo ga palangga sa ila...
 - Sa atubang sang konseho-ang mga Apostol gin akusahan...
 - Gin paandaman sila nga indi mangwali sa ngalan ni Jesus – **Binuhatan 4:17**
 - Ang Jerusalem puno sang ila pagpanudlo parti kay Jesus...
 - Tungod sang ila pagpanudlo kay Jesus-puno ang siyudad...
 - Damo nga mga pastor nagahatag gamay nga tion sa pagtudlo sang Pulong...
 - Istoryahan lang mga istorya nga maka kadlaw kag butangan mga Bible verse...
 - Kay indi sila gusto mag igo sang mga tawo-kay ang Bibliya maka igo sa tagipusoon!
 - Pero indi aton pulong/kaladlawan nga mga istorya ang kinanglan mabatian...
 - Kinanglan nila mabal-ang nga ang impierno delikado-kag ang padya sang langit...
 - Parti sap ag-abot nga hukom sang Dios-ang katahom na paglaom kay Jesus!
 - Pero wala sila kabalo sang sini na mga butang kay wala sila kabalo sang Pulong!
 - Kag dapat magtudlo sini nga mga pastors wala nagatudlo...
 - **Hosea 4:6** - “Nagkalalaglag ang akon katawhan tungod kay kulang sila sa ihibalo *parte sa akon*. Kay kamo mismo *nga mga pari* (pastor) ginsikway ninyo ang ihibalo *parte sa akon*.”
 - Mga pastor kinahanglan magtudlo sang Pulong-pagtuo halin sa pagpamati sang Pulong–**Roma 10:17!**
- 2ND –PAGTUMAN SA DIOS INDI SA TAWO... vs. 29-33
 - o 1st –Si Pedro ari liwat nagtindog sa atubang sang konseho... vs. 29
 - Ginsulit naman ang iya depensa sa **Binuhatan 4** – Siling niya– ‘Masunod kami sa Dios kag indi sa tawo...
 - Kabalo sila nga si Jesus lang ang dalan pa langit-wala sang may makapahipos sa ila!
 - Naga huya huya kita sa pagsugid sang Pulong sang Dios/ pagtindog kay Jesus...
 - Ang rason kay indi kita sigurado nga ang Pulong matuod...
 - Mas nagakabalaka kita sang opinyon sang mga tawo sang sa paghukom sa sala!
 - Kun pilion naton nga magtuo sa Pulong-wala sang may maka pahipos sa aton...
 - Kun kabalo kita nga ang mga tawo mapa impierno kun indi sila magtuo kay Jesus...
 - Bisan kadlawan kag yagutaon ka pa-indi ini makapugong sa pagsugid sang Pulong...
 - Kabalo kita sang mystery sang kabuhi-kabalo kita nga isa lang ang dalan pa langit...
 - Hibaluan ang kamatuoran-paano nga indi kita manugid/paano kita kahipos lang!
 - **Jeremias 20:9** - “Kon kaisa nagasiling ako nga indi na ako maghambal parte sa imo ukon magsugid sang imo mga mensahi. Pero indi ko mapunggan, kay ang imo pulong daw sa kalayo nga nagadabdab sa akon tagipusuon kag mga tul-an. Ginakapoy na ako sa pagpugong sini.”
 - o 2nd –Ang mga apostol saksi para kay Jesu-Cristo... vs. 30-32

- Ang mga Sandhedrin nagpatay kay Jesus sa krus-pero nakita nila ginbanhaw Siya sang Dios!
 - Kag ginbutang sang Dios si Jesus sa tuo na bahin sa langit-para kita ma patawad...
 - Ang mga Apostol nakasaksi – dira naghalin ang tinaga nga Martyr...
 - Indi sila mapahipos biskan patyon pa sila!
- Bilang saksi para kay Jesus-amo ang pagkabuhi sa kay Jesus...
 - **Lucas 9:23** – “Kon may tawo nga gusto magsunod sa akon, dapat handa siya sa pag-atubang sa kamatayon sa iya nga pagsunod sa akon adlaw-adlaw.”
 - Kun pasugtan lang ang aton kabuhi sa kalibutan-indi kita makahatag kasanag...
 - Dapat tun-an ang pagkaugot sang kalibutan nga nagapalayo sa aton kay Jesus...
 - Indi magkontento sa wala pulos nga nahatag sang kalibutan-umalagi nga kalipay...
 - Ang dapat itulok ang mas dako nga padya sang Dios nga na plano sa aton...
 - Mangin saksi sa maayo nga kabuhi-kabahi nga wala katapusan kay Jesus!
- o 3rd - Ang reaksiyon sang mga Saduceo sa hambal sang mga Apostol... vs. 33
 - Ang ginahambal – diaprio-buot silingon ila tagipusoon na buka...
 - Diri lang nasulat sa **Binuhatan 7:54** –pagbato kay Esteban...
 - Ang mga Apostol nag pakita sang sala sang mga Sandhedrin-pagtugyan/pagpatay kay Jesus...
 - Indi sila nanamian sang pagbulgar sang ila mga sala-gusto nila pahipuson sila...
 - Gusto nila nga patyon nila ang mga Apostol didto mismo!
 - Ang mga tawo wala nagapinsar sang katapusan...
 - Mas gusto nila magkabuhi sang makasasala kag wala gapinsar sang bayad sa sala...
 - Kun magkabuhi kita sing bug-os kay Jesus-magsugid sang Pulong sang Dios...
 - **Hebreo 4:12** - “Kay ang pulong sang Dios buhi kag gamhanan, kag mas matalom pa sa espada nga duha ang sulab. Nagadulot ini hasta sa kalag kag sa espiritu, kag hasta sa mga lupalutahan kag sa utok sang mga tul-an. Nahibaluan niya ang mga butang nga ginahunahuna kag ginahandom sang mga tawo.”
 - Gina pakita naton ang ila pagka makasasala-ang kadutan ang impierno...
 - Maakig ang mga indi tumuluo-ari kita sa pagpadumdom nga kinanglan nila si Jesus!
- 3RD –ANG LAYGAY NI GAMALIEL... vs. 34-42
 - o 1st –Si Gamaliel isa sa mga miyembro sang konseho... vs. 34
 - Pariseo siya sang una- nagapati siya sa Anghel kag sa kabuhi pagkatapos kamatayon...
 - Maayo siya nga manunudlo sang Pulong sang Dios- nagtudlo siya kay Apostol Pablo
 - **Binuhatan 22:3**
 - Dako ang respeto sang mga tawo sa iya...
 - Damo nagahambal nga si Gamaliel -sekreto nga tumuluo ni Jesus...
 - Kaangay kay Jose sang Arimathea-nahadlok lang magtindog sa iya pagtuo...
 - Pero daw gusto niya lang maghatag problema sa mga Saduceo...
 - Ang laban nga ara sa konseho mga Saduceo-indi sila nanamian sa mga Pariseo–
Binuhatan 23:7
 - o 2nd –Si Gamaliel naghatag duha ka ihimplo sa konseho... vs. 35-37
 - Ginpadumdom siya nila sang tawo nga si Teudas...

- Sa diri lang nasulat ang ngalan ni Teudas sa New Testament ...
- Siya nag ako nga siiya ang 'messias'-kag damo nagsunod sa iya...
- Silign ni Gamaliel sa katapusan tanan niya nga sumulunod naglalapta...
- Wala na bulig halin sa konseho-napakita nga si Tadeus peke!
- May isa man ka 'messias'-si Judas nga taga Galilea...
 - Ang nagasaysay sang history si Josephus naghambal nga 'si Judas nagdala sang mga Judio nga magbatok sa Roma'...
 - Nagreklamo batok sa mataas nga sukot sang buwis sang Roma...
 - **Gina buligan sila nga magrebelde sa gobyerno...**
 - Pero ang iya mga sumulunod nadula man...naglalapta...
 - Ika duh ana in inga wala bulig sang konseho-napakita nga peke man!
- o 3rd – Ang laygay ni Gamaliel... vs. 38-49
 - Magpalayo kamo sa mga Apostol kag pabay-i sila...
 - Kay bisan ano himuon sang konseho may duha ka posible nga matabo...
 - o Kun si Jesus indi ang matuod nga Mesias-kun isa man siya sa mga peke...
 - o Ang relihiyon sang mga Apostol isa sa mga ideya sang tawo kag indi mag padayon
 - o Kaangya kay Tadeus kag Judas-ila mga sumulunod naglalapta...
 - o Kun intrahan man ukon indi sang konseho-madula lang ini ukon indi...
 - Pero kun ang napanudlo sang mga Apostol halin sa Dios paano nila mapunggan...
 - o Kun pamatukan nila-ang Dios ang ila kaaway...
 - o Mas maayo nga pabay-an-kag mabal-an lang galing sa ulihi kun iya sang tawo ukon iya sang Dios!
 - Kun obra sang Dios/ukon obra sang tawo...
 - Mahapos mabal-an kun iya sang Dios...
 - o **Maghulat lang- kun indi iya sang Dios-indi ini magdugay...**
 - o **Kanami magtan-aw sang palupok kun new year-kanami sang lupok kag mga suga.**
 - o **Pero pagkatapos sang nami nga mga suga-may makita ka nga mas nami...**
 - o **Mga bituon- indi sa naga idlak pero kada gab-i makita mo!**
 - o **Ang ideya sang mga tawo pareho sang palupok-sanag/galupok-pero dula dayon...**
 - o **Pero ang mga butang sang Ginoo-nagapadayon sanag kag wala ga untat!**
 - Basi may ideya kita-pero indi sigurado kun iya sang Dios ukon sa aton lang...
 - o **Sa pagtuo tilawan nimo himuon kag tan-awon ang resulta...**
 - o **Kun budlay gani kag kabug-at tapuson basi aton lang ideya...**
 - o **Kay kun iya sang Ginoo hapos lang kag may kalipay...**
 - o **Kun ang mga pari mag-obra sa templo-bugnaw ang ila mga bayo wala balhas...**
 - o **Ezekiel 44:18 - "Kinahanglan nga mag-turban sila sang linen kag magsuksok sang pang-idalom nga panapton... Indi sila magsuksok sang bisan ano nga makapabalhas sa ila."**
 - o **Indi bug-at ang mag-alagas sa Ginoo-dapat wala balhas...**
 - o **Makapoy man kita pero indi nakapoy sa pag-alagad kay Jesus...**
 - o **Kun daw kabug-at gid ang pag alagad siguro aton nahimon indi iya sang Ginoo!**
 - o **Wala problema-untat kag testingan ang iban nga pwede mahimo!**
 - Ang laygay ni Gamaliel simple-ginbaton ini sang konseho...

- Ginbakol ang mga Apostol kag ginmanduan nga indi na magwali sa ngalan ni Jesus!
- Ginbuy-an sila kag nag pangalipay sila...
- Indi na buhi pa sila kundi nagtindog sila para kay Jesus!
- Kag adlaw adlaw nanudlo kag nangwali sila sa ngalan ni Jesus!